

武

備

志

武備志卷一百五十五


防風茅元儀輯

占度載

占八

占星二

角宿圖



角宿歌

十二度辰十、鄭兖州壽星之次芒種昏中、冬至旦中

兩星南北正，直看中有平道上天田。總是黑星兩相連，別有一鳥名進賢。平道右畔獨淵然，最上三星周鼎形。角下天門左平星，雙雙橫于庫樓上。庫樓十星屈曲明，樓中五柱十五星。三三相連如鼎形，其中四星別名衡。南門外有兩星橫，

角宿二星赤，主造化萬物，布君威信爲天關。其門天門，其內天庭，故黃道經其中，七曜之所行也。其星明大則賢人用，天下安微暗則王道失。輔臣不

忠天下有兵動搖則人主憂移徙則人主出垂芒則天下亂不見則國易政日蝕右角國不寧月蝕左角國中道斷金火犯有戰敵金守之大將持政左角近天田爲理主刑其南爲太陽道五星犯之爲旱右角爲將主兵其北爲太陰道五星犯之爲水

平道二星黑平道之官也明正則吉動搖則法駕有虞

天田二星黑主疆界耕稼之事金守之主兵火守


之上旱水守之主潦傷五穀木守之五穀豐登周鼎三星黑國之神器也或移徙則運祚不寧天門二星黑主天之門朝聘賓客之所也明則四方歸化不見則兵革起邪使生關梁不通

庫樓十星赤六大星爲庫南四小星方斜爲樓一曰兵車之府也其中十五星三三而聚者柱也中央四小星衡也主陳兵庫樓明大而芒角者兵起車騎用庫中星衆實則天子兵強虛則諸侯謀反庫中無星則天下皆反庫樓五柱皆動則將皆行

五柱生角多芒則天下兵盡合庫中心不見兵四合五柱皆不見兵車悉出一曰庫中無星則臣謀上庫盡空國無君

南門二星赤主守兵星明則外方入貢暗則夷狄反兵起君憂客星守之兵至

亢宿圖



亢宿歌

九度辰上、鄭分兗州壽星之次、夏至昏中、小寒旦中

四星恰似彎弓狀、大角一星直上明、折威七子亢下橫、大角左右攝提星、三三相似如鼎形、折威下左頤頤星、兩個斜安黃色精、頤西二星號陽門、色若頤頤直下存、

亢宿四星赤、日月之中道爲天府、天子之內朝、總理天下卿大夫之治曹、猶尚書也、亦爲䟽廟、主疾疫、其星明、大四海歸王、輔臣納忠、人無疾疫、亢不明、則輔臣失職、君令不行、有內亂動、搖踈拆、或移

徙則人疾病，垂芒則國政錯亂，位直則兵起，有不戰則天下鼎沸而旱澇作矣。秋分視亢不見，五穀俱傷，金火犯兵起，土犯五穀傷，木守犯歲熟，水犯水災，日月蝕，君憂，月暈，兵起。


大角一星，赤，天王座也。明潤則吉，芒角則強臣伏誅，芒之所指，兵從之往。吉失色，青憂，白喪，黑疾，皆爲天子當之。石氏曰：大角不明，強臣凌主，天子衰弱，金守之則兵起，日蝕凶，月犯水災，拆威七星，黑執法之官也，金火犯之，夷狄犯邊，將

有彙市者。

攝提六星，赤九卿大臣之象也。其形如鼎足，常東向，則天子吉；北向，則天子失位，聖人受制。

陽門二星，黃主邊塞險要，動搖徙則邊地有警，名星出，夷犯邊。

底宿圖



騎官二十七星

氏宿歌

十六度二度入卯未分豫州天蠋宮大火之次小暑昏中大寒旦中

四星似斗側量米天乳氏上黑一星世人不識稱
無名一個招搖梗河上梗河橫列三星狀帝席三
星河之西亢池六星近攝提氏下衆星騎官出騎
官之衆二十七三三相連十欠一陣車氏下騎官
次騎官之下三車騎天輻兩星立陣旁將軍陣裏
振威霜

氏宿四星赤爲天子休解之宿官后妃之府也前
二大星主正妃後二小星主妾媵又爲天根下二

尺爲日月五星中道明則大臣后妃奉君不失
移徙或不見則臣將謀內禍亂生矣動搖則徭役
不時日月蝕主大亂木犯之立后妃火犯之臣僭
上金犯拜將水犯百官憂月暈人不安彗孛犯暴
兵起一曰將有徭役之事氏先動也星欲其明大
則民無勞


招搖一星赤主矛楯及胡兵招搖宜與梗河棟星
北斗相直則胡常來受命中國不相直胡人叛若
離其處則兵發動搖則兵四行九州震星亡則兵

起芒角臣弑主胡兵大起惟欲黃白小明則天下
安靜也

梗河三星黑一名天鋒一曰天盾主矛鋒以備不
虞主胡兵又爲喪事其星明不動則邊安天下寧
明大芒角動搖則邊夷兵起胡人爲寇又曰星不
見則國有喪梗河亡不見三日國有謀兵不見七
日有大喪以其初不見日占
帝席三星黑天子宴樂之所也星不欲大明動搖
則君不安不見大臣失位

車騎三星黑主部陣行列車騎之士變色動搖
騎行金火犯守爲殃兵起客星守西羗降
騎官二十七星赤天子宿衛之騎士也主守禦防
不虞星衆則天下安稀則騎士叛微小不見則守
衛散出天下兵亂芒角動搖兵大起
騎陣將軍一星赤車騎將也星明則將盛微小則
將弱不能禁止士卒動搖則騎將出

房宿圖



歌

六度卯未分像川
天竭宮大火之次

四星直下主明堂，鍵閉一黃斜向上，鈎鈴兩箇近，其傍罰有三星直鍵上，兩咸夾罰似房狀，房西一星號爲日從星，兩個房下出。

房四星赤，爲明堂，天子布政之宮也，亦爲四輔，其北上一星上相也，次星次相也，次三星次將也，南下第四星上將也，南二星爲君位，北二星爲夫人位，又爲四表，中間爲天衢大道，亦謂之天關黃道之所經也，七政之所行也，南二星間爲陽環，其南

曰太陽道北二星間爲陰道其北曰太陰道七曜由乎天街則天下和平由陽道則主旱喪由陰道則主兵水房星一曰天駟爲天馬主車駕南星曰左驂次左服次右服次右驂亦曰天廐又主開閉爲蓄藏之所由也房均明則王者明臣奉職天下太平兵革不興暗則主道不行臣亂政驂星欲明而不宜大明大於中二星則兵起星離拆則人流星亡則兵大起日月蝕大臣專政彗孛犯之兵起火犯將相憂



鈎鈐二星赤主閉藏星近房則天下同心遠則天下不和王者絕後鈎鈐間有星及疎拆則地動河清

鍵閉一星黃主管籥開閉之事星明則吉不明則凶暗則宮門不禁星亡則關梁不通

東西兩咸各四星赤所以房淫佚也明則吉暗則凶五星守之有陰謀火守之兵起

日一星赤主昭明德令月掩之臣謀君木守之王者得忠臣金火守犯之有憂

圖 宿 心



心宿歌

六度卯上宋分豫州天蝎宮大火之次立春旦中

三星中，央色最深，東西太庶中，帝星下有積卒共十二三三相聚，心下是。

心宿三星，赤名大火，天王正位也。中星曰明堂，爲大辰，天子之位。前星爲太子，不明則太子不得位。後星爲庶子，明則庶子繼，心上四尺爲日月五星之中道，中心明則化成道昌，直則地動移徙不見國亡。又曰：心變色黑，大人有憂，直王失勢，動則國有憂，金火犯，血光不止，土木犯，吉，日月蝕，兵喪並。

起月暈兵起火來守之國無主客星及孛犯天下
兵荒

積卒十二星赤在房心南主掃除不祥守衛明堂
五營軍士也細小而明則吉明大動搖則朝廷起
兵一星亡兵出二星亡兵半出三星亡兵大起俱
亡兵盡出

尾宿歌

十九度寅上燕分幽州人馬宮折木之次雨水旦中大暑立秋昏中

九星如鈎蒼龍形下頭五個號龜星尾上天江西橫是尾東一個名傳說傳說東邊一魚子尾西一室是神宮所以列在后妃中

尾九星赤后妃之府北一丈爲天之中道動則君臣不和天下亂就聚則大水月暈及水犯之則后妃死火犯之宮中內亂土犯吉客星犯大臣誅日月蝕主饑一曰金火守之後宮兵起

龜五星赤主贊神明定吉凶明則君臣和不明則

垂戾星不居漢中則川有易者一曰星亡則赤地千里

大江四星赤大則天下水災微小如常則陰陽和明而動則水暴出參差不齊則天下馬多死中河而居則兵起如流沙死人如亂麻星不具則津梁不通芒角動搖則大水沒城郭

魚子一星白知雲雨之期其狀如雲如星忽忽不明明則陰陽和風雨時暗則魚多亡搖動大水也

箕 宿 圖



箕宿歌

十一度真燕分幽州人馬宮折木之次驚蟄旦中處暑昏中

四星形狀如箕箕下三星名木杵箕前一黑是糠皮



箕四星赤謂之天津后宮后妃之府上六尺爲日月五星之道一曰天雞主八風凡日月五星宿在箕壁翼軫風起又主口舌主蠻夷胡貊胡蠻夷將動先表箕焉前二星爲舌動則大風不出三日其星明大則五穀熟君無讒間疎暗則國亂四夷不服動則蠻夷有使來就聚細微天下憂歲凶穀貴

移人河，歲大惡，中河而居，人相食，月暈，大風，金火犯之，兵起，月宿箕，野風起。

杵三星，赤主杵春之用，縱爲豐，橫爲饑，移徙人失業，不見歲凶。

糠一星，黑主播揚糠粃，明則爲豐，暗則爲饑。

斗宿圖



南斗宿歌

二十四度又二十六度入丑吳分磨碣石星紀之次春分穀雨旦中白露

秋分昏中

六星形狀如北指，魁上建星三相對，天弁建上三復三，九下圓安十四星。雖然名鼈貫索形，天雞建背雙黑星。天籥柄前八黃精，狗國四方雞下生。天淵十星鼈東邊，更有兩狗斗魁前。農家丈人斗下眠，天淵十黃狗色玄。

斗六星，赤天廟也，亦曰天機。五星貫中，日月正道，爲丞相太宰之位。其魁第一星主吳，第二星主會。

稽第三星主丹陽、第四星主豫章、第五星主廬、
第六星主九江、六星欲其均明、明盛則天下安寧、
君臣一心、爵祿不僭、風雨順時、人君壽康、五穀蕃
熟、暗小則君臣失位、廢宰臣、天下不安、芒角動搖、
則忠臣失勢、天下愁怨、兵起、大小不齊、則上下乖
違、移徙、大臣逐、變色失常、則宰相憂、月在斗、主變
易、國易相、日月五星逆入斗、天下流蕩、孛犯之、兵
起、

建六星、赤、亦曰天旗、明則大臣忠、王者得天心、不

明、天子失道、參差不齊、天下亂、動搖則民勞、一星不具、人主憂之、月暈、蛟龍見、牛馬疫、月蝕及五星犯守、大臣相譖、關梁不通、有大水、

天弁九星、赤市官之長也、明大則市中物盛、不明則天下空虛、五穀不成、五星彗孛犯守之、糴貴兵起、

天狗二星、赤主守禦、不居常處爲大災、戒在守禦之臣、火舍狗、旱災、羣狗嗥、天下驚、

天雞二星、黑主候時也、星動移失常、則多大水、金

火守之，兵大起，天下旱，土犯之，民流亡。

狗國四星，黑主三，韓、鮮卑、烏桓、獫狁之屬也。星明則天下多盜賊，邊夷寇作，金火犯守，外夷有變，太白逆守，其國亂，太白順行，天子出兵伐鮮卑，客星犯之，有大兵守之，外夷之王來入中國。


農丈人一星，黑主稼穡，星明天下農稔，暗饑。

天淵十星，黃一曰天海主灌溉，火守之，大旱，水守之大水，一曰主海中魚鼈，五星守天淵，海水溢，江河決，大魚出。

鼈十四星主水族魚虫其星微而不明則雨水時不居漢中則陰陽不和天下水旱一曰有易川星不具有白衣之會以不具日占國五星守之有白衣會火入鼈天下大水去之則旱

天籥八星黃主開閉關鎖明吉不明則管籥無禁客星彗孛守犯天下關門閉塞道路不通

牛宿圖



牛宿歌

七度丑磨碣石星紀吳越之次立夏旦中寒露昏中

六星近在河岸頭，頭上雖然有個角。腹下從來欠一脚，牛下九黑是天田。田下三三九坎連，牛上直建三河鼓。鼓上三星號織女，左旗右旗各九星。河鼓兩畔左邊明，更有四黃名天桴。羅堰三鳥牛東居，漸臺四星似口形。輦道東側連五丁，輦道漸臺在河許。欲得見時近織女。

牛六星赤，天之關梁。主犧牲之事，日月五星常貫之。爲中道上二星，主道路。次二星，主關梁。次二星，

主南夷。一曰其上二星。一曰積路。一曰積火。主
路中一大星。主牛。主關梁。次下三星。主南越。星明
大。則王道昌。天下安。不明。則五穀不成。牛多災。星
亡。則牛盡死。其星曲。則糴貴。一曰星明大。則關梁
通。牛貴。怒。則馬貴。細。則牛賤。中移上移下。牛多死。
小星亡。則牛多疫。月暈損犢。金火犯之。兵災。木土
犯之。吉。

天田九星。黑。主天子畿內之田。其占與角宿之天
田同。

九坎九星赤主溝渠星小而明則陰陽和川澤通
流明盛則有水災夷狄侵邊不明則泉不通

河鼓三星赤主軍鼓鐵鉞一曰三武主天子三將
軍中央大星爲大將軍左星爲左將軍右星爲右
將軍所以備關梁設險阻以拒難也正直明大光
潤將軍吉動移差度亂兵起芒角則將旗猛動搖
則兵大出直則將有功曲則將失律怒則馬貴月
犯之將死無兵兵起土守之大將賜土受封金水
守之兵起火犯守軍絕糧將戰死木犯將有罪


左旗右旗各九星、左黑右赤、主設備、知敵謀、星潤則將軍吉、動搖則兵起、戾亂相凌、兵起不明則將軍憂、石氏曰、旗鼓揚而舒者、大將出、月五星犯之、兵起將憂、彗孛守犯者、軍敗將死、

織女三星、主經緯布帛絲綿之事、又主瓜果、主收藏珍寶、以製衣裳文繡也、三星俱明、天下和平、布帛賤、不明反是、暗而微、則天下女工廢、不見兵起、天桴四星、黃主漏刻、星不動搖、漏刻失時、動搖軍鼓用、移近河鼓、亦主軍鼓用也、

羅偃三星黑主堤塘亦爲拒馬星明大則大水爲

女

圖



女宿歌

十度二度入子齊分青州寶瓶宮
玄枵之次小滿旦中霜降昏中

四星如箕主嫁娶十二諸國在下陳先從越國向
東論東西兩周次三秦雍州南下雙鴈門代地又
向西晉伸韓魏各一皆北輪楚之一國魏西屯楚
之南畔獨燕軍燕西一郡是齊隣齊北兩邑平原
君欲知鄭在越下存十六黃星細區分五箇琉璃
女上星敗瓜珠上瓠瓜生兩個各五敗瓠瓜天津
九個彈弓形兩星入牛河中橫四個奚仲天津上
七個仲側扶相星

女宿四星、赤、在九尺爲日月中道、天之少府也、謂之須女者、賤妾之稱、婦職之卑者也、主布帛裁制嫁娶、星明則天下豐、女工昌、府庫充、小暗則國藏虛、女工失、移徙則後妃廢、婦女受殃、產死者多、日月蝕、國憂、木犯、立后、火犯、女喪、金犯、嬪妃謀主、孛犯、損蠶、月暈、婦人災、水守之、萬物不成、火守之、布帛貴、


十二國合十六星、黃、在九坎東、布列九坎東南、一星曰齊、齊北二星曰趙、趙北一星曰鄭、鄭北一星

曰越越東二星曰周周東南北列二星曰秦秦南
二星曰代代西一星曰晉晉北一星曰韓韓北一
星曰魏魏西一星曰楚楚南一星曰燕其星有變
動或失常或星守犯各以其國言災

天津九星赤主四瀆津梁以通四方明正則吉明
而動則兵起如流沙死人如亂麻參差不齊則馬
貴不明亦爲兵起一星不備關梁不通三星不備
天下覆陷移徙江河決百川溢石氏曰天津覆洪
水消天星亡水災河溢水賊稱王又曰天津張天

下安火守天旱大亂有易主立王月五星入犯乘
守之皆爲津梁不通黑氣入大水
箕仲四星黃車正也其星變動失常則車駕不安
金火犯之兵起

虛宿圖



虛宿歌

九度于齊分青州寶瓶宮玄枵之次立夏昏中

上下各一如連珠，命祿危非虛上星，虛危之下哭泣星，哭泣雙雙下，鬻城天蠱團團十三星，敗白四星城下橫，白西兩下璃瑜明。


虛宿二星，赤冢宰之象也。主北方，邑居廟堂祭祀之事。又主風雲死喪哭泣，下九尺爲日月五星之中道。明靜則天下安動，搖則死喪哭泣。不明則天下旱日月蝕，兵起流星犯賊亂宗廟，五星犯之皆主有災。

司危二星、司非二星、俱黑、主天子以下至千萬人壽命爵祿安危微細、不明則無咎、大明則天下人災、

天壘城十三星、黃、主北夷鬼方、丁零、匈奴之類、所以候其興敗存亡者也、

敗曰四星、赤、溫、溫、然微而不明、則天子吉、人民安、明大動搖、則人主憂疾、人愁苦、多死喪、

危宿圖



危宿歌

十六度十三度入丑、雙魚宮衛分并州陝訾之次、小雪昏中、芒種旦中、

三星不直舊先如、危上五黑號人星、人畔三四杵
白形人上七鳥號車府、府上天鈞九黃精、鈞下五
鵠宇造父危下四星號墳墓、墓下四星斜虛梁十
個、天錢梁下黃墓旁兩星能蓋屋、身着黑衣危下
宿、

危三星、赤主天府、一曰天市、一曰架屋、甘氏曰、爲
天市廟堂、下九尺爲日月五星中道、主架屋受藏
風雨、墓墳祠禮亦爲冢宰之官、主天下死喪哭泣

之事明則天下安動則有土工天子作宮室一
危動而不明土工兵革起星亡不見則山陵毀敗
日蝕有大喪天下改服月在危有變主死喪哭泣
水守之主更造宮室人苦於工役火守之兵起地
震土守之工役煩興水守之則下謀上金守之則
饑饉兵起


墳墓四星赤主山陵喪葬之事不欲其明明則天
下多死喪失常則山陵毀五星守犯之國有死喪
虛梁四星黃主國陵寢鬼神之事非人所處故曰

虛梁、金火守犯，兵災大起。

杵三星曰四星，皆黑，主春糧。杵星正直下曰吉，不相當則軍糧絕，不直，民饑，不具，人棄釜，餽聚則豐。踈則儉，曰四星仰則歲豐，傾覆則歉，餘占同杵。車府七星，黑車輿之府，賓客之館也。動則兵車大動。

造父五星，黑主御馬之官。一曰伯樂，亡則馬大貴，明則吉，移徙兵起，馬大貴。

室宿圖



室宿歌

十七度，亥上，在衛并州營陣之大，夏至旦中，大雪昏中。

兩星上有離宮出，遶室三雙有六星，下頭六個雷，
電刑疊壁陣，次十二星，十二兩頭大如井，陣下分
布羽林軍四十五卒，三爲羣軍，西四星多難論，子
細歷歷看區分，三粒黃金名鈇鉞，一顆珍珠落北
門，門東八魁九個子，門西一宿天綱是，電旁兩黑
上公吏，騰蛇室上二十二。

營室二星，赤甘氏云爲太廟天子之宮也，石氏謂
之元宮，一曰清廟，又爲軍糧之府，及土工事，其下

九尺爲日月五星中道上一星爲天子宮下一星爲太廟故置羽林以衛之將有土工之事占於營室明正則國昌不明則鬼神不享祠祀國多疾疫動則有土工事芒角則有兵疫星亡則輔臣死月變於室大臣爲亂將死相黜土木守犯之土工興離宮六星赤天子之列宮也亦隱藏休息遊幸之所金火守之兵起

羽林軍四十五星赤主天軍翊衛之象也明而象實則國安踈不明則兵士出不具則兵大出不見

則天下兵盡出。鄒萌曰：羽林動搖，則兵起，不出六十日，車騎發，金火水入守，兵起，月入羽林，則兵大起。

北落師門一星，赤主候兵，非常明，則大將武，兵精，天下安；細微則兵羸將弱，武備不修，亡不見。天下有兵，大將出國不寧，芒角動搖，皆兵起。金火守之，有兵災；一曰有星守之，虜入塞。

壘壁陣十二星，赤主天子軍營，明則國安，失常則兵起，動搖軍不安，移徙將死，星不具則兵悉出，天

丁亂五星入天軍皆爲兵起金火水尤甚也

天綱一星赤天子弋獵之所也金火孛犯守之兵起


鐵鉞二星黃主行誅斬殺其星不欲明動動則皆爲鐵鉞用移徙失常兵起

八魁九星黑捕禽獸之官也金火入守乘犯之兵大起

騰蛇二十二星赤爲魚鱉水虫之長徙而南則兵起徙而北則大水星微則國安明則不寧

東明新編星圖卷之三
二十八宿
壁宿

壁宿圖



壁宿歌

九度亥上衛分并州雙魚宮既
訾之次小暑旦中冬至昏中

兩星下頭是霹靂霹靂五星橫看行雲雨次之口
四方壁上天廡十圓黃鐵鎖五星羽林傍土公兩
星壁下藏

東壁二星赤下九尺爲天之中道主文章圖書之
祕府也亦主土工明則圖書集道術行小人退君
子進失色大小不同天子重武臣圖書隱星動有
土工興離徙就聚爲田宅事日月蝕損賢臣五星
孛犯兵起

雲雨四星、黑主雨澤、明則雨水、火守之旱潦

武備志卷一百五十五

武備志卷一百五十六


防風茅元儀輯

占度載

占九

占星三

奎宿圖



奎宿歌

十六度半二度入戌徐魯分白羊
宮降婁之天大暑旦中小暑昏中

腰細頭尖似破鞋一十六星遶鞋生外屏七星
下橫屏外七宿天涵明司空左畔土之精奎上一
星軍南門河中一個閣道形附路一星道傍明五
個吐花王良星良星近上一策停

奎十六星赤一名天庫亦曰封豕天子之武庫也
主兵所以禁暴橫又主溝瀆其下九尺爲日月五
星之中道西南大星所謂天豕目亦曰大將奎大
星欲其明明則天下安芒角動搖國必用兵或曰

有赦，奎中小星明，則天下大水，災將有陂池江湖之事，皆占於奎星動，則有溝瀆之事，以日占國，日月蝕五星犯，皆有凶。

外屏七星黑，主障蔽臭穢，以蔽天溷也，其日見或移徙，民不安。

天溷七星黑，天廁也，其星不見，人不安，多疾病，移徙亦然。

土司空一星赤，主水土之事，知歲禍福，明大黃門則天下安，或亡不見，國有喪，芒角則土工興，微

有旱災

軍南門一星，黑主兵之出入，動搖則軍行，不見天下兵亂，金火犯守軍憂。

閣道六星，赤主天子遊幸別宮之道，一曰王良旗，一曰紫宮旂，行列正直而明，人主吉，天下安，不具則御道不通，動搖則宮掖之內兵起，火守之臣謀主中有伏兵。

附路一星，赤，別道也，一曰大僕，明則人主昌，亡不見道路塞，郅萌曰：附路正馬車騎滿野，正馬謂移。


居駟馬之前也，主天下大亂期十月，五星犯之大僕以罪誅，一曰馬多死。

王良五星，赤，天子奉車御官也，四星謂之天駟，旁一星曰王良，爲天馬，又主津梁，一曰天驕，主御風雨水道，四馬參差不列，則天下安居，四馬齊行，王良舉策，則天下不安，天子自臨兵，石氏曰：王良星移，則有兵，不具則津梁不通，王良策馬，車騎滿野，天下大亂，兵起不出三年，移近閭道，則有江河，變王良與馬齊，則天下大急，客星守之，橋不甬，金

火守皆兵憂

策一星黑主天子僕御若移在馬後是爲策馬
有伏兵動搖天子也

婁宿圖



婁宿歌

十一度戌
婁之次直

三星不勻近一頭右更左更烏夾婁天倉六個婁
下頭天瘦三星倉東脚婁上十一將軍侯

婁宿三星赤爲天獄主苑牧犧牲以給郊祀又主
興兵聚衆將有聚衆之事占之於婁其下九尺爲
日月五星之中道明則郊祀得禮天子有福天下
平暗小失色則反是動搖則聚衆直則有急兵就
聚國大亂君出走

左更五星黑主山林澤藪之事右更五星黑主養

牛馬之屬左更明潤吉芒角山間有盜起右更明潤牲畜蕃暗則牛馬多疫死

天倉六星赤主倉廩官也明大歲熟相近就聚穀積多相遠穀虛耗暗小歉

天庾三星黑積穀之屋場圃之所也其占與天倉同


天大將軍十一星赤中央大星大將也其左右星之旗其餘小星吏士也欲其安靜而明則天下兵不興大將軍不明若動則天下兵起海中占口

大將軍搖動則天子自將兵左右旗芒角所指必
敗一曰明則將武兵精暗小則兵羸將弱木入土
將吉火金土入守兵起彗孛出大將反犯之將軍
死敗散也

胃

宿

圖



胃宿歌

十四度入酉趙分冀
川金牛宮人梁之次

三星鼎足河之次天廩胃東斜四星天囷十三如
乙形河中八星名太陵陵北九個天船名陵中積
尸一個星積水船中一黑星

胃宿三星赤天之廚藏五穀之倉也又主討捕誅
殺之事南下九尺爲日月五星中道明則四時和
倉庫盈天下豐暗小不明則上下失位倉廩空就
聚則米貴離徙則倉粟耗搖動則有轉輸之事星
亡則兵起芒角亦主兵起旁星聚則粟聚少則粟

不聚五星犯日月蝕孛侵俱有災也

天廩四星赤主積蓄黍稷以供祭祀其星齊明則年豐國足民安小而不明歲惡國虛民饑臣受君祿而不修其職變色則廩粟腐

天囷十三星赤主給御糧也欲明而衆實則庫藏滿不明及中星稀則庫藏空不見則倉庫皆竭一曰星明而黃曰歲豐五星入天囷天下兵起國儲盡發金火守之災凶


大陵八星赤主陵墓死喪不欲明明而大或中星

多則天下多死喪兵起其中小星衆則天下粟貴就聚死人如麻

積尸一星黑一曰積廩主死喪明則天下多暴死人死如山若不見或暗皆吉

大船九星赤主舟楫濟渡亦主水旱均明天下安不居漢中、津河不通水泛溢積水在天船中主候水災

圖宿昂



昴宿歌

十度酉走
弟之次處暑旦中立春昏中

宮大

七星一聚實不少，河西月東各一星。河下五黃天
陰精，陰下六個蕩藁營。營南十六天苑形，河裏六
星名卷舌。舌中黑點名天說，礪石舌旁斜四丁。
昴宿七星赤，其下九尺爲日月五星中。道天之耳
目也，主獄事。主口舌奏對，又爲旄頭胡星。昴大星
欲其明明，明則獄訟平。國無佞臣，天下安暗。則刑罰
濫，佞臣得志。星動則大臣下獄，聚明而數動則胡
兵大起。其大星動又躍跳而他星皆不動，則胡欲

侵邊期一年一星不見爲兵爲喪六星明與大星等天下大水七星皆明而黃則兵大起一曰大火盡動若跳躍者胡兵大起也

卷舌六星赤主口舌以知讒佞曲而靜賢人用事直而動天下多口舌明大則利口用事旁星繁則兵起死人如山若不居漢中則天下妄言月犯卷舌天下多死喪五星入犯乘守國有佞臣天下多死喪彗孛入人主信讒殺忠良


礪石四星黑主磨礪鋒刀明則兵起如常則吉金

火及客星守之兵動、
芻藁六星、黑主積草以供牛馬之食、一曰天積明
中星多則歲豐穰、不明及中星稀則歲不登、庫藏
耗不見則牛馬暴死、

畢

六畢如爪

圖



畢宿歌

十七度七度入申晉分益州陰陽宮實沈之次白露旦中雨水昏中

恰似爪叉八星出附耳畢股一星光天街兩星畢背旁天節耳下八鳥幢畢上橫列六諸王王下四個天高星節下團圓九州城畢口斜對五車口車有三柱任縱橫車中五個天潢精潢畔咸池三黑星天關一星車腳邊參旗九個參車前旗下直建九游連游下十二烏天園

畢八星赤主邊兵主弋獵其大星曰天高一曰邊兵主四夷之尉也明大則四夷來貢天下安失色

則邊兵亂、一星亡爲兵喪、動搖邊兵起、有讒臣、離徙天下微亂、就聚法令酷、甘氏曰、畢主街巷陰雨、天之雨師也、故明而移動則霖潦及街擁塞、又曰、畢主山河以南中國也、中國於四海內則在東南、爲陽昴畢之間、謂之天街陰陽兩界之所分、畢爲陽國、昴爲陰國、其北上七尺爲日月五星之中道也、日月蝕在畢、邊將凶、木犯有軍功、金火守之、胡夷兵起、

附耳一星赤、主聽得失、伺姦邪、察不祥、附耳搖動

則兵大動附耳入畢口中則天下有大兵、

天街二星赤、主國界街、南爲華夏、北爲夷狄、其星明正吉、暗則兵起、五星留止天街中兵起、

天節八星在附耳南主持節奉使、明則使忠直、天子令行不明則奉使失職、不見則四方不奉王命、九州城九星、黑主重譯者也、一星不見一州有凶、三星以上不見大亂、以十一月候之、金火守之、九州兵起、

諸王六星、黑主藩屏王室、察諸侯存亡、明則諸侯

奉法天下安、不明臣有叛者、宗社傾危、四方兵起、天關一星、赤在五車東南、日月之所行、天關也、主關塞、星明大則天下平、星亡大兵起、芒角兵起、移徙與五車合、國門晝閉、大將披甲、日月五星不由天關行、有不朝之國、有叛臣、五星守天關、大臣有不道者、

五車五星、赤三柱九星、赤合十有四星、五車、天子兵車舍也、西北曰天庫、主太白、秦也、次東北星曰天獄、主辰星、趙也、次東南星曰天倉、主歲星、魯衛

也中央星曰司空主鎮星楚也西南星曰卿星上火魏也五星有變各以其所主而占之其星動搖變色則國有兵五星均明柱皆具則天下倉庫實不具其國絕食兵起五車三柱有變各以其國占之三柱出外兵出柱入兵入出一月米貴三倍饑饉一年出兩月米貴六倍饑二年柱出不與天倉相近米穀運出千里柱倒立尤甚火入守天下旱金入守兵起水入月暈不邇有赦

天潢五星主河梁濟渡之事其星明主津梁通民

無災、不見則津梁不通、


參旗九星、赤主弓弩之物、以俟變禦難、不欲大明、明大則有白衣之會、兵起、微小而直則天下息兵、明曲如張弓、則天下兵大起、九星不見、天下爲兵而赦、

九旂九星、黑、一曰天旂、一曰天弓、主司弓弩之張、候變禦難、以滅不虞、明靜則九州之牧得人、光明盛大或搖動則兵起、

觜

宿

圖



觜宿歌

一度申、晉分益州
陰陽宮實沈之次

三星相近作參蔬，觜上坐旗直指天，尊卑之位九相連，司怪曲立坐旗邊，四鵠大近并鉞前，


觜三星赤在參之右角，如鼎足形爲三軍之候，行軍之藏府，主葆旅收歛萬物，明則軍儲於將得勢，動而明盜賊羣行，葆旅起動移，將有逐者移而近參左肩，則臣謀君，近右肩，則大臣伐主，金火守之，國易政，兵起災生，口蝕臣不忠，月蝕君害臣，五星守犯皆主兵災。

參

七參四脚中藏

宿

圖



參宿歌

十度申爲晉分陰陽宮實沈之次

總有七星觜相侵、兩肩雙足三爲心、伐有三星足裏深、王井四星右足陰、屏星兩扇井南襟、軍井四星屏上吟、左足下四天厠臨、厠下一物天屎沉、參七星赤、一曰參伐、一曰天市、一曰天鉞、主斬刈、又爲天獄、主殺伐、又主權衡、所以平理也、又主邊城九譯、故不欲其動也、參爲白虎之體、其中橫列三將也、東北曰左肩、主左將、西北曰右肩、主右將、東南曰左足、主後將、西南曰右足、主偏將、故占參

以應七將、其中央三小星曰伐天之都尉也、

鮮卑戎夷之國、故不欲明也、七星皆主邊兵、七星皆明則天下兵精、暗小則將弱、芒角大張、赤輝旁射、則三軍駭動、天子自將出征、動搖則邊有急、無光則國欲改君、參差不常、則人臣不忠而勤、大將執權、國易政、就聚則大將誅、微則天下兵不精、不具國亡地、伐星明與參等、大臣謀亂、兵起參左足、入玉井中、兵大起、秦地大水有喪、山石爲怪、足若突出玉井、虎狼暴害人、金火來守、則國易政、兵起

災生、日月蝕、則田荒米貴、土星犯災甚、木守兵疫、
甘氏曰、參爲忠良孝謹之子、明大則臣忠子孝、移
動殺忠臣、守常則吉、

玉井四星、赤主水泉、以給厨用、微小如常、陰陽和、
五穀成、明大動搖、則大水、井遠參虎爲害、

軍井四星、黑軍營之井也、以給軍爨、一曰天井、星
動搖、則有大水、月入軍井、兵起、五星入大水、

屏二星、赤所以障閉天廟、主疾病、星不明、天子寢
疾、不具、則天下人疫、五星守之、臣謀君、火守民疾、

疫客星入人多死、


天廟四星赤、主天下疾病、色黃而明則吉、不見人多病、亡不明、天子有病、天下人疫、五星守之、天下大饑、人相食、

天屎一星赤、主糞穢、色黃則吉、青黑白皆爲憂、明則萬物有命、星微則萬物不昌、不見則人多疾病、常以二分日候之、其星黃潤而明、人無病、青黑國饑、人病多死、

井

宿

圖



一井宿歌

三十四度、九度入木、秦分雍州日、
中、鶉首之次、驚

分昏中、秋分寒露日、

八星行列河中淨、一星名鉞井邊安、兩河各三南
北正、天鐏三星井上頭、鐏上橫列五諸侯、侯上北
河西積水、欲覓積薪東畔是、鉞下四星名水府、水
位東邊四星序、四瀆橫列南河裏、南河下頭是軍
市、軍市團圓十三星、中有一個野雞精、孫子丈人
市下列、各立兩星從東說、闕丘兩個南河東、丘下
一狼光蒙茸、左畔五個彎弧弓、一天擬射頑狼胸、

有個老人南極中、春秋出來壽無窮、

井八星赤在河中、主泉水爲天之南門、日月五星貫之爲中道、石氏謂之東井、亦曰天井、主諸侯帝戚三公之位、天之亭候、水衡法令之所取平也、三光行不由其中、天下無道、雖經之不得留之、王者用法平、則井明而端、暗小不正、則國弱政亂、明則封侯建國、動搖失色、則諸侯廢戚戮子、又帝師殃、移徙則國亂、君憂、洪水爲災、月宿井有風雨、日月蝕、五星逆犯、大臣謀亂、兵起、大臣誅、

啓生焉、兩河星明則天下安、不明則四夷交侵、動搖則邊兵大起、星不見有大水道不通、南星不具則南道不通、北星不具則北道不通、月五星守犯皆爲兵起也。

五諸侯五星、一曰帝師、二曰帝友、三曰三公、四曰博士、五曰大史、又曰五大夫、此五者常爲帝定疑、議其星欲其均明、明大潤澤則天下治、王者吉、輔臣忠、若差戾不明、則忠良屈折、上下猜忌、春秋元命苞曰、五諸侯生角、則禍從中起、不見則貴人有

謀者、月五星犯守、皆爲兵起、

積水一星黑、一曰聚水主聚美水以給天子酒官也、又曰主候水災、明則天下安、宴享禮行、不明則五穀不登、徭役繁明、大動搖則江河溢、津梁不通、積薪一星黑、主聚薪以給享祀、供庖廚也、明則五穀熟、享祀修、庖廚足、不見天下旱、歲不登、石氏曰、積水積薪相去五尺以內、則天下平、五穀豐、相去一尺以外、則天下饑、人流亡、水府四星、黑水官也、占與水位同、

水位四星、赤、主水衡、又主溢流也、石氏曰、衡平象水、水平而後流、其星微小如常、則天下安、不然、則大水橫流、五穀傷、水位上近北河、則國沒爲河、以變日占國、

四瀆四星、黑、江河淮濟之精也、其星明大動搖、則水泛溢、

軍市十二星、赤、如錢狀、天軍貿易之市、市中小星衆、則軍食足、少、則軍乏糧、金、火、守之、軍大饑、野雞一星、黑、主知變怪、又曰、野雞、將也、主屯營、軍

法之號令也、芒角動搖爲兵災、移出市、諸侯兵起、闕丘二星、黑天子之雙闕也、動搖則天子闕間有變、金火守兵戰闕下、

狼一星、赤爲野將、主殺掠、主兵、火色欲黃白無光、不宜動搖、不動搖則天下安寧、色赤而光芒四張、動搖則天下亂、兵火起、盜賊橫行、石氏曰、狼星動、搖則胡兵大起、五星犯守、兵車滿野、胡侵中國、弧矢九星、赤天弓也、外一星、矢也、主備盜賊、故常注矢以向狼、若弧不張、矢不直、則天下盜賊橫行、

星明色黃潤澤則天下息兵、變色失常則天下起
兵、矢不射狼則盜賊不禁、五星守犯兵大起、大將
有千里之行、彗孛出弓矢用、外夷叛、

圖

宿

鬼



燿

鬼



積尸氣

外厨



天紀



天狗



天社

鬼宿歌

未二度秦分雍州巨蟹宮鶉首次

四星冊方似木櫃中央白者積尸氣鬼上四星是
燿星天狗七星鬼下是外厨六間柳星次天社六
個弧東倚社東一宿是天紀

按天源發微云鬼星天目也主視明察奸謀明則
五穀成又云主死喪山堂考索云東井與鬼鶉首
在東秦永州三度至西南星去極九十六度在黃
道外

鬼四星赤主視明察奸謀天目也爲日月五星中

道一曰天廟主祠事又主疾病死亡東北星主積
馬東南星主積兵西南星主積布帛西北星主積
金玉以上四星俱各隨其變占之中央一星名積
尸氣白如粉絮如雲非雲如星非星見氣而已只
欲其忽忽不明則安明則兵起大臣謀主下民流
亡搖動失色則疾病鬼哭人荒鬼之外四星明大
穀成不明人散動而光則上賦歛重徭役繁星聚
人愁政令急

燿四星黑主烽火備警急不欲明又不欲亡小而

不明則天下安明而大則邊庭有急動搖則外兵
大入亡不見則戒在守候之臣

外廚六星黑天之外廚也占與天廚同

天狗七星黑中以守賊也移徙則兵起金火犯之
人相食

天社六星黑王社神也其星明直則社稷安動搖
失常則下謀上


柳

宿

圖



酒旗



柳

柳宿歌

十四度、四度入午、周分雍州、獅子宮、鶉火之次、清明昏中、霜降旦中、


八星曲頭垂似柳、近上三星號爲酒、享宴大酺五
星守

柳八星赤爲朱雀喙、一曰天相、一曰天庫、天之廚也、主御膳飲食倉庫酒醋之位、又主雷雨主工匠、其北六尺爲日月五星中道、明大則人豐酒食、搖動則大人酒死、失色則天下不安、人饑流亡、不過三年、直則天下謀伐、其主就聚、則兵滿野、月宿柳而霧多、陰雨上舍、柳不旱、卽水逆行入之、地震山

崩金犯守兵起水火犯旱饑、

星宿圖

七星如鉞有犁頭



星宿歌

上、周分邕
子宮、鶡火次、

七星似鈎柳下生，星上十七軒轅形。東頭四名內屏星，星左三個天相名。相下稷星橫五靈，

星宿七星赤曰天都，爲朱雀之頸。文明之粹，羽儀之所主。衣堂文繡，又主急兵盜賊。明大主王道昌，暗則賢良不用，天下空虛。文士遁藏，甘氏云主后妃御女之位，赤爲賢士。天色芒動，則后妃死。賢士誅搖動，則兵起。離徙則天下易政。日蝕兵饑，婦人災。木犯吉，木犯旱，土水金犯俱災。月暈，亭犯兵起。

軒轅十七星、赤、一曰東陵、一曰權星、主雷雨之神、
又爲黃帝之神、黃龍之體、又爲后宮后妃之舍、典
六官之內政、以弼太微、其北大星、女后也、南小星、
御女也、左一星、少民少后之族、右一星、大民大后
之族、次北一星、夫人也、屏也、上將也、又北一星、妃
也、次將也、其次諸星、皆次諸妃之屬也、陰陽交合
盛爲雷、激爲電、和爲雨、怒爲風、亂爲霧、凝爲霜、散
爲露、變爲雲、立爲霓、離爲背、珠分爲抱珥、此十四
變、皆軒轅主之、欲小而黃明則吉、小星明與大星

等、則后宮相爭、妃妾上僭、移徙則國人流動、搖就聚、后妃夫人死喪、御女去大星遠、則女使有賊心、迫近大明有賞賜、東西角張而振、則后族敗、消小不見、則后妃不安、星色變黑、則后妃多死者、水火金守之、女主惡之一曰、五星守犯、有逆賊、有火災、天稷五星赤、主百穀溫溫而明、則百穀成、歲大豐、不明、則五穀不成、星不具、則歲饑亡、不見、則大饉、人相食、

六張梭肚兩頭長
三二

張

宿

圖

六張梭肚兩頭長



張宿歌

十一度十五度入巳
宮鶉尾之次穀雨昏

六星似軫近星傍張下只是有天廟十四之星照
四方長垣少微雖向上星數畝在太微傍太尊一
星直上黃

張宿六星赤主珍寶金玉宗廟所用之物天子內
宮衣服遠方貢物之庫又主天廚飲食賞賚之事
甘氏云大廟明堂御史之位爲朱雀之喙兩翼外
張以匡帝宮也明大則人主昌天下治民物阜五
禮修暗小不明則五禮失天子多疾病移徙天下

有逆人就聚則兵起金火守之兵起日蝕失禮月蝕大滂魚行人道土水犯國不寧李犯兵起天廟十四星黑天子之祖廟也均明則吉青黑變在宮中微暗有白衣會金火守之宗廟有殃


翼

張翼軫北近太微垣

宿

圖

二十二翼如飛勢上五下五
層中九氣



翼宿歌

十九度巳楚分荊州雙女宮鶉尾之次立夏昏中小雪旦中

二十二星大難識上五下五橫着行中心六個恰如張更有六星在何處三三相連張畔附必若不能分處所更請向前看野取五個黑星翼下頭欲知名字是東甌

翼宿二十二星赤爲天子之樂府主徘徊嬉樂文物聲名之所主三公化道文籍及蠻夷遠客負海之資北上十有三尺爲日月五星之中道明大則君明臣賢禮樂興四夷來賓星暗大小失序則帝

王失禮、王道衰微、移徙則三公廢、日蝕大臣僭、月蝕正言者殃、忠臣誅、月暈大風旱、女主惡之、五星客、孛、流星犯之、大凶、翼、芒動則王者用兵、征伐四方、


東、躔五星黑、主南越蠻夷之星也、動則蠻夷有使來、角、張則蠻夷叛、金、火守之、兵起、

軫

宿

圖

四軫如口附二星



府器



軫宿歌

十八度、十度入

九劃分兗州、天稱

昏中、大雪旦中

四星似張翼相近、中央一個長沙子、左轄右轄附
兩星、軍門兩黃近翼是門、下四個土司空、門東七
烏青丘子、青丘之下名器府、器府之星三十二、以
上便是太微宮、黃道向上看取是

軫宿四星、赤主車騎、任載盜賊、戰伐喪事、輟輶之
事、亦主風雨死喪、四星爲天之四輔、冢宰輔臣、主
察殃咎之凶災、水星也、北上三尺爲日月五星之
中道、其星明大則天下昌、萬民康、四海歸王、一云

明大則車騎用、甘氏云、凡軍之出入、皆占於軫也、
動則車駕用、離徙天子憂、就聚兵大起、五星犯守、
並凶、月宿軫、風起、月暈軫、戎夷滿野、庫無留兵、廐
無繫馬、日月蝕、貴臣死、

左轄右轄各一星、赤其左轄主同姓諸侯、右轄主
異姓諸侯、一曰北星曰轄、南星曰膏、皆去軫七寸、
甘氏云、轄去軫五寸、膏去軫一尺爲常、軫中一小
星曰長沙、爲棺木主壽命、轄星欲其近、軫去軫近
則上下和睦、遠則君臣相疑、七寸以下爲近、一尺

以上爲遠、轄欲小而明、不欲大而明、若小而明、國祚安、大而明與四星等、則兵大起、微暗則諸侯有憂、星亡則天下傾、轄進退則車騎發復、其所則車騎罷有、兵在外而轄遠軫、兵亦罷、轄舉則南蠻內侵、動搖則兵車動、長沙子小而明、主壽昌、微暗則國有憂、明而與四星等、臣下謀逆、星亡不見、則人主惡之、

土司空四星、黃在軍門南、主土工、又主邊城地界、正疆理、辨風土、均職貴、來遠人、均明則天下大平、

暗小則德政不修、遠人離叛、金火犯守、男不得耕、女不得織、兵起、

青丘子七星、黑主正東方三韓之國、

軍門二星、黃天子六軍之門、主營候、占移其處則軍道不通、